



सानसेयारि **“बड'सा”** ख्रीरालाइयाव
ख्माज्यादि जिज्जो लोब्बा थानाय रायथाय, खन्थाय,
खल', खल'बाथा आरो दावबायारि थावनि, पार्क
बाइदिनि स्यायव लिन्नाय लिन्दिबां हैथाय ठर/
सानसेयारि **“बड'सा”** ख्रीरालाइया सेबखानाबै
फोसावगोन/
बड'सायाव लिन्दायानि हुबा खालाम,
“बड'सा” ख्री नोथो, जो बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com


BODOSA★A Bodo News Daily★Thursday★23 October, 2025 Kokrajhar, BTC, Assam★Vol.-35, Issue No.207★R.N.I.Regd.No.40994/91, Assam Govt. Regd.No.IPRD. 40/2006/3, Rs.8/-

आइजोफोरखौ जौगाखांहोनाय बिथिडाव आसामआ बयनिखुइबो साबरिन राइज्यो महर मोन्दों : ड० शर्मा

आसामनि राइज्यो बेंगिरिआ सा 100 टिभि बेरमिफोरनो जामुं रान्दों

नगाव-बटद्रबा बिधान सभा बियाबनि सा 26,585 आइजोफोरनो सोरजिलु फाण्डनि चेक रान्दों

दिसपुर, 22 अक्टबर: आइजो
जौगाखांहोनाय बिथिडाव
राइज्योआव जावरिखांनाय
सोलायस्लु दावबायनायजों
लोगोसेनो गिबि मन्थि ड०
हिमन्त बिश्व शर्माआ दिने गिबि
मन्थि सोरजिलु आइजो
मावबिथांखनि सिडव नगाव-
बटद्रबा बिधान सभा बियाबनि
गासै सा 26,585
मुलाम्फागिरिफोरनो सोरजिलु
फाण्डनि चेक रान्नायखौ



जा गाय जे नो ।
मुलाम्फागिरिफोरनि गेजेराव सा
19,628आ गामि ओन्सोलनि
आरो सा 6,957
मुलाम्फागिरिफोरा नोगोर
ओन्सोलनि आइजोफोर ।
नगावनि नेहरुबालियाव बेजों
लोब्बा लाखिनानै बान्जायनाय
मेलआव गासै 30 रोजा
आइजोफोरनि नुजाथिनायाव
बिबुंथि लाखिनानै गिबि मन्थि
(□ 6 बिलाइआव)



गुवाहाटी, 22 अक्टबर: भारतनि गाहाइ मन्थि
नरेन्द्र मदिनि गोखों नोजोर टिभिनिफ्राय उदां भारत
सोरजिनांगौनि थांखिखौ मोकथां महर मोनहोनो
थाखाय नि-क्षय मित्रनि गेजेरजों बयखौबो बाहागो
लानो थाखाय हांखाय हरनाय जादों । आसामआव

बे मावबिथांखिखौ गोहो गोर खालामनायनि
थांखिजों आसामनि राइज्यो बेंगिरि लक्ष्मन प्रसाद
आचार्यआ कामरुप मेट्र आरो नगाव जिल्लानि
सा 100 टिभि बेरमिफोरनो पुस्टि गोनां जामुनि
थप्ला रान्नाय होयो । (□ 6 बिलाइआव)

भवानिपुरआव “मबाइल मेडिकेल इउनिट” बेखेवबाय



भवानिपुर, 22 अक्टबर: भवानिपुरआव दिनैनिफ्राय ‘मबाइल
मेडिकेल इउनिट’ आ गोथारै बेखेवजाबाय । मख'नो गोनांदि,
कपेट ससियेल रेस्पनसिबिलिटि सुंद'थै सिएसआरनि सिडव
रेसनिया लिमिटेड आरो डि हेन्स फाउन्डेसननि हेफाजाबाव गेदेर
भवानिपुर ओन्सोलनि गामि-गामि (□ 6 बिलाइआव)

मन्थि चरन बर'आ गावनि मावखुलियाव जिराय जेनबाय

कक्राझार, 22 अक्टबर:
आसामनि केबिनेट मन्थि चरन
बर'आ गिबि खेबनि थाखाय
दिने गावनि मावखुलिनि
मासियाव जिराय जेनबाय ।
थांनय 18 अक्टबरखालि
आसाम सरकारनि केबिनेट मन्थि
महरै समायखिरा लाखांनायनि
उनाव दिने गिबि खेबनि थाखाय
मन्थि चरन बर'आ गावनि
मासिआव जिरायो । मख'नाय
जायोदि, गावनि मावखुलिआव
जिरायनायनि सिगां मन्थि बर'आ
आसामनि थागिबि सुबुंफोरनि



गोजोन, खौसेथि आरो हास्थायनानै आफा बोराय
जौगानायनि थाखाय आस्त्रिबाद बाथौनि खाथिआव आर'ज

गाबनायनि उनाव दिसपुरआव
थानाय आसाम सेक्रेटारियेटनि
(□ 6 बिलाइआव)

माजबातनि खामताबारिआव 53 थि श्री श्री श्यामा फुजा फालिदों

उदालगुरि, 22 अक्टबर: उदालगुरि जिल्लानि सिडव थानाय
माजबातनि 1 नं खामताबारिआव 53 थि श्री श्री श्यामा फुजाखौ
खुंनय जादों । माजबातनि 1 नं खामताबारिज्यति संघ लांगोनायाव
थानाय 20 आरो 21 अक्टबरखालि साननैनि हाबाफारिजों 53
थि श्री श्री श्यामा फुजा एबा काली फुजा बान्जाय आफादिनि
नेहाथारि अजय सुत्रधर्ममोनहा खौरां बिजोडव मिबथिहोयो ।
हाबाफारिखौ लोब्बा लानानै हारिमुवारि मोनाबिलिनि जौसांखौ
माजबात पुलिस थानानि एसआइ अकन चन्द्र शर्माआ बेखेवना
होयो । हारिमुवारि जौसां बेखेवनाय लोगो-लोगो गथ'सा
आरिमुगिरिफोरनि गेजेराव मोसानाय (□ 6 बिलाइआव)

हादत उर्दाम्नि 75 बोसोर बारलांनायनि उनावबो गरेस्वर हालामनि राइजो-राजाया औवानि दालांजों हान्था-मेला खालामनो गोनां जादों

गरेस्वर, 22 अक्टबर:
सरकारआ थांदों फैदों, नाथय
गरेस्वर नोगोरनिफ्राय तामुलपुर
जिल्ला खुंथाइनि मावखुलिसिम
थांग्रा गाहाइ लामानि गेजेराव
थानाय पुथिमारि दैसानि
बिखायाव दिनैसिम दालां
लुफुंनानै होयाखै । मख'नो
(□ 6 बिलाइआव)



उजान बरबरियाव कलिता जनगस्ति सम्मिलनआ हान्जा सुरनानै खुद्रिसारदों

भवानिपुर, 22 अक्टबर: भवानिपुरनि साखाथि बजालि-बाक्सा
जिल्लानि सिमा ओन्सोल उजान बरबरि आरो खरदेगुरियाव दिने
मोनाबिलि समाव कलिता जनगस्ति सम्मिलननि बजालि जिल्ला
समितिनि बान्जायनायाव कलिता जनगस्तिनि गुबुन-गुबुन
दाबिफोरखौ लानानै मोनसे हान्जा (□ 6 बिलाइआव)



मर्नि ग्लरि सरुपेता चेलेन्ज टी-20 क्रिकेट, स्काइ ब्रिजार्सआ फाइनालआव

भवानिपुर, 22 अक्टबर: सरुपेता क्रिकेट
क्लाबनि बान्जायनायाव जायगानि बिप्लसबि
फरायसालिमा गेलेग्रा फोथाराव मर्नि ग्लरि सरुपेता
चेलेन्ज टी-20 (2025) इन्टर-क्लाब क्रिकेट
बादायलायनाया खुंजागासिनो दं । दिने सैथि सेमि-
फाइनल बादायलायनायाव सरुपेतानि स्काइ
ब्रिजार्सआ देहाबाय । मख'नो गोनांदि, नलबारिनि
नबरल क्लाबआ टसआव देहानानै गिबियावोनो

बेटी खालामनानै थिखानाय 20 अभारनि 19.3
अभारआव गासैबो उइकेट थांनाय 113 रन बेटी
खालामो । बे टारोटेखौ लानानै हेंथा हान्जा सरुपेतानि
स्काइ ब्रिजार्सआ 17.5 अभारआव 6 उइकेट थांनाय
थिखानाय टारगेट 113 रनखौ बेटी खालामनानै
देहायो । फारसेथि गाबोन नैथि सेमि-फाइनलआव
गुवाहाटीनि अंकुर्यति क्लाब आरो नलबारिनि
ब्लु बार्डसनि गेजेराव बादालायगोन ।

अर्जुन भगेस्वर बरुवानो 2025 माइथायनि आनान्दराम ठेकियाल फुकन बान्था गथायदों

नगाव, 22 अक्टबर: नगावनि
जारिमिनारि आनान्दराम
ठेकियाल फुकन फरायसालिमा
नख'रा थांनाय माखासे
बोसोरनिफ्रायनो होबोबाय
थानाय आनान्दराम ठेकियाल
फुकन बान्था 2025 खौ दिने
मोनसे हाबाफारिनि गेजेरजों
(□ 6 बिलाइआव)



सान्जा उदालगुरि श्रीमन्त शंकरदेब सत्र आन्सलिक समितिनि 8थि बोसोरारि गाइसन्थाइ सान फालिदों



माजबात, 22 अक्टबर:
उदालगुरि जिल्लानि
धनन्निघाटनि कलबारियाव
सान्जा उदालगुरि श्रीमन्त
संकरदेब सत्र आन्सलिक
समितिनि 8थि बोसोरारि
गाइसन्थाइ सान फालिदों ।
गाइसन्थाइ सानजों लोब्बा
लाखिनानै फुनि 5:00 रिगायाव
जागरन खालामनाय जायो ।
6:00 रिगायाव बिमा
(□ 6 बिलाइआव)

आसाम सरकारनि “शुश्रुषा चेतु” आसनीनि गेजेरजों तामुलपुराव सावस्त्रि फाहामथाइ बादा खुंदों



तामुलपुर, 22 अक्टबर:
तामुलपुर जिल्लानि बेंखनाव
थानाय तामुलपुर कमार्च
फरायसालिमानि लांगोनायाव
आसाम सरकारनि “शुश्रुषा
चेतु” आसनिनि गेजेरजों
ओन्सोलनि 0 बोसोरनिफ्राय
(□ 5 बिलाइआव)


उदालगुरि जिल्ला आपकुआ सासे खौरंगिरि आरो गुबुन सासे खौरां मावफारियाखौ मान बाउदों

उदालगुरि, 22 अक्टबर: उदालगुरि जिल्ला अरनि आपकु जिल्ला
आफादिनि बान्जायनायाव सासे खौरंगिरि आरो सासे भिडिअ'
खौरंगिरि (जानालिस्ट) खौ मान बाउनाय हाबाफारि खुंदों । मान
बाउनाय हाबाफारिखौ लोब्बा लानानै (□ 6 बिलाइआव)



बे सरकारआ जुबिन गार्गखौ फिन खेबसेबाव बुथारबावबाय: कृषक मुक्ति संग्राम समिति

शिबसागड़, 22 अक्टबर:
बुधबाराव कृषक मुक्ति संग्राम
समिति, सत्र मुक्ति संग्राम
समिति आरो जातीय युव
बाहीनिआ शिबसागड़आव
मोनसे बेरेखा हान्जा सुरनाय
हाबाफारि सामब्लायो । जुबिन
गार्गनि न्यायनि दाबि
खालामनानै सोमावसारगिरिफोर
शिबसागड़नि राजा लामायाव
हरस्त्रिखावो । मोन्थामबो



आफादआ थांनाय 20
नबेम्बरनिफ्राय 48 घन्टा
सोमावसारगिसिनो दड्ढोन । दिने
सोमावसारनाया जोबनायनि
उनावनो सहरनि गेजेरजों जुबिन
गार्गनि गोमो न्याय होनांगौनि
दाबियाव मोनसे हान्जा सुरनाय
(□ 5 बिलाइआव)

सुजुगिरिनि खोलोम



ना-साम' खांखाइ

सिगं समफ्राव हाख 'र-हाला, गरखायनफ्राय लानानै दैमा-
दैसा, बिलो, फुखि, जाम्फै, दुब्लि जेरावबो दै थानायमोन।
जेराव दै गाखोया बेफोरबादि हायावबो फिसा-गिदित बान्दो
थेनानै दै सोनानै आबादिन थाखाय गाहाम खालामनानै लानायमोन।
बेफोरबादि ओसोल्लावबो ना-साम', खांखायनि आंखाल
नुजायामोन। मोनफ्रोम दै थानाय हाख 'र-गरखाय, दैसा, जाम्फै
बिलो आरो ओरैनों बोहैलांगारनाय दैफ्रावबो ना-साम'-खांखायनि
आंखाल नुजायामोन। खालिबोल' गोनाथि जायोमोन हमनानै
लाबोनायनि। ना हमनो थाखायबो गोदो-गोदायनिफ्राय बाहायनानै
फैनाय सेन, खखा, खाखि, जेखाइ, पल' फोरजॉनों सानानै
हमनानै सल, बार्लि, नाझाइ, बोथिया, सिंगि-मागुर, थुरि-
बामि, फिथिखि-मावया ना एग्रे-बेग्रे मोन्नाय आरो मोनजानायनि
बोथोरा माबा लांखायावबो गोमालांवाय। आथिखालाव दसै
टाउन-सहर, हाथाय-बाजाराव दाब-दाब राइज्यो आरो
बिलोफोरनिफ्राय लाबोनाय नाफोरजॉनों ना ओंख्रिनि आइटेमखौ
फोलोमनांगी जानानै फैयो। सुबुं देहानि थाखाय नानि गोनाथियाबो
एसेल' नडा। नाथाय मोन्नांगीयासो गोब्राव जानानै फैबाय।
नानि आंखाल फोलोमनो राइज्योयाव बोसोरे बोसोर गुबुन गुबुन
राइज्योनिफ्राय लाबोनानै नानि आंखालखौ फोलोम फैनाय जायो
होन्नानै मिबथि मोनो।

ना-साम'-खांखाय गोमालानायनि जाहोन एवा जीबनानै थोब्ले-माब्ले जानायनि गुदिखौ गोबाडनो बाइदिसिना जाहोन आरो बिजाउन होन्नानै फोरमायबोदौ। बेफोरनो जाहैबाय दैसा जाम्फे, बिलो, हाख'-हालाफ्रा लासैयै सानफा-एफा खोखंबोनानै दै थायै जानाय आरो बिलो बेहेर बारिफ्रा गोमालानायजौ लोगेसे बेफोरनि बांसिनो दडब्लाबो दै गैयै थायै जानानै फैनाय। दै गैयाब्ला ना-साम'-खांखायफ्रा बबेनिफ्राय थाफेनो आरो बौरै फोलेर एरनो। फार्सेथि मिथिगा बिखायाव सिगांनि बादि अख्रदैदौं आवुं जानानै थालिया। दैज्तां बोथोराव अखा हानानै थानाय दैयाबो दैज्तां बारनाय लोगो-लोगोनो राननानै गोरान जालाडो

गुनुन मोनस जहानखो देस्ता हाबनाय लोगो लोगो अखा
हादैनि जावरिनायजो जेराव बिलो,दैसा-जाम्फोर दे बेफोर
दैसा बिलोफ्राव फुवान होनाय ना आरो बिदै गोनां नाफोरखौ
गोबो जेजो बोखानाय आरो मुलि-बिषो होनाई हमनायाव नानि
जोलै एरनायाव हेंथा फैनयखायो ना-साम' खांखायनि बिबाड
सानफा-एफायैनो बाडाय जाबोनानै आंखालनि महर लाफैदों।

मिशिंगा बिखाया बिफां-लाइफां, हाप्रा-बंत्राजो थाजिम
सोमखे महरे थायोब्लासो अखा-बांखा हानाय आरो बैसोमुथि
बिखाया थाजिमै-थानो हागोन। अब्लासो दैसा, बिलो हाखर,
हाला, जाम्फैफ्रावबो दै बोहैगोन-ना साम', खांख्राय आरिफ्रावो
दैयाव थानानैनो फोलेर एरहोनारयिन खाबु मोनगोन अब्लासो
फारफ्रोम बिथिनि थाथाया सरासन्त्रायव फैफिनगोन। ना-साम'-
खांख्रायनि आंखालखौबो एफा-एनैयै फोलोमनायनि लामा
मोनफिनायनि राहा थाहैगोन। □

दिनैनि फाज्जामुथि

राशि बाइदियै मुंनि गिबि हांखो

मेषः अल	वृषः ऊब (उ ए इ)	मिथुनः क छ (ङ घ)
कर्कटः ड ह	सिंहः म ट	कन्याः प ठ (ण ष)
तुलाः त र	वृश्चिकः ब न	धनुः ध भ (ढ़ फ)
मकरः ख ज	कुम्भः ग श (स)	मीनः द च (ख ज झ)

मोदैनि लैथो सिन्दुर

आं जाबाय बैथा गैयै दिङरि बेसेबांबा दाहर लैथोमाजों हगारनाय। हां मोनलाया जाबाय आं सहायनो हादिया लैथोमानि गोरा बारनि दोहौ। आय’ अनसुलिन लोगोसे बै रगुङव गोजोन फुरियाव, आलो आलो गेलेनो अराय सानैजों अन्नाय बै गोजोन देरायाव जाय मिजिंखौ लानानै नोंजोंनो लोगोसे, नोंबो रंजा रंजा गेलेदोंमोन आंनि दिङआव मानिबा फाव फान्दायना। मिथिस’ मोनदिया आं माब्ला गहब खन्दा मोनो, नोंनि अन्नार्यनि हायना सारफ़ावनायाव अब्ला नों गोदान सोरनि मिजिङव आंनिफ़्राय गोजानाव जानगार लाङे। आं जानाङे आलाय–सिलाय हालाय–हाफाय सौसिख’ हाया, आं मोदैनि लैथो। थेर बेथेर जानो आंनि दिङ गहब खुन्दायाव गबना आलाय–सिलाय जायो आं मिजिं अब्ला आं गबनाङे सौसिख’ हायै बेसेबांबा गोथौ इनाय खैसारनि “मोदैनि लैथो।”

मुस्रि दैमालु मोसाहारी गामि–एलैमारि

जिउआ दान्दिसेल’

हाथायसालि बे बिहुं संसाराव जिउआ दान्दिसेनि थाखायल’, अराय समनि थाखाय नङ। सम जाब्लानो थांफिननांगौ जायो बयबो मुलुग संसारखौ नागारना। गिनानै रावबो गनाय नङ– मुनुस मायाफोर। हांखायहरदोंसे हनै जम राजाया सोरगोनि लांगोनायाव नेनानै। बारग’नो सानब्लाबो गनाय नङ राहा गैया जैरैबो समा सौफैब्ला थांनांगौ जायो बयबो मुलुगखौ नागारना गिनानै मुलाम्फा गैया– मुनुस मायाफोर। थांनांखागोन बयबो सानसे बेलासे– बे फैलाव बुहुमखौ नागारना जम राजानि राज अन्दराव। गिनानै रावबो गनाय नङ मुनुस मायाफोर। नेनानै दं हनै जम राजाया– सोरगोनि लांगोनायाव।

थपन बरगयारी गामि– बासबारी ला:सो:– रुणिखाता जिला– चिरां बि टि सि आसाम।

दोंब्रै लिमारिक

(1) दालां बार नायनि आगै सोमस्रि नोंनि महरालाय नायनो सोमस्रि स्रि गोसो थोयो आं नोंखौ आसुगुरजों नाथाइ गावखार हरो नों आंखौ आसुगुरजों। (2) फाग्लिया सानफ़्रोमबो फैयो जोंनि लांगोनाजों सानफ़्रोमबो फैबाय थायो साइकेलजों आंनासो मेगना नायै नायै गाज्रि जालाय लांसै आंनासो गोसोआ उसु खुथु जालाय लांसै (3) माब्लाबा फ़्रबफानथाब गाननानै फैयो नों माब्लाबा सुरिदार गाननानै थाबायबोयो नों आंनासो मेगननि नोजोरा नांसिन थारबायसो बारा बारा। (4) बिनि महरा सोमस्रिस्रियैनो ददेरे थार दाउथु बायदि लथब थब माहि थार एकनबा लामा गेजेरावनो ग्राव सौग्राव लायो आंहासो बिखायानो गावनोसै बायदि मोनलायो।

मुस्रि प्रिन्स बसुमतारि उमानन्द गोजौ फरायसालि गामि : सानजा मावरियागाव जिल्ला : कक्राझार,बिटिसि, आसाम।

नोंनि आथिं खालानि हाद्रियानो आंनि खाफालनि गोजों सिन्दुर नोंनि आथिंजों दावगानाया आंनि खाफालनि सिन्दुर अराय जोरनानै थानार्यनि खाबु। नों जोहोलावआ दावगायाब्ला सोरथो आंनि थाखाय दावगाबावनो नोंबोथ’ लुबैयो ना जोहोलाव ? बर’ बिमानि जोंथि सिन्दुरखौ अराय खाबथाना दोननो अरायबो फुजिबाय थानो। बे मुलुगाव नों बायदि जोहोलाव रावखौबो नुलिया माथो नोंबो फावसयब्ला, आथिङव हाद्रि फोनाङ जासे थाब्ला– अब्ला आंनि खाफालआव माबोरै फुनहोनो सिन्दुरखौ ? नों दावगायाब्ला आं दुखु मोनगोन, नों सौफाय सौफियै आगान सुर आं दं जोहोलाव, नोंनि जुजिनायाव नों अरायबो देरहासारगोन। आंनि खाफालनि सिन्दुरखौ गोजों दोनगोन। नों मिथिगौने ? सिन्दुरनि बेसेनखौ नों अनखाङे आरो बर’ बिमाखौ नों मान लाखियोने हारिखौ अब्ला नों दावगानांगोन।

मिच अन्जना देबी उपाध्याय कक्राझार गार्लस कलेज थाखो–टि डि सि फास्ट इयार

आनान ग’साइ

हे आनान ग’साइ नोंनि गोहोजों, जों दिनै मानसि महर मोन्दों समायना–रमायना मिथिंगा हालो दैलो बुहुम बिखायाव, जैरैथिंबो ख’ना–खनला साथिफबनानै दं, हे आनान गसाइ। नोंनि नुनो मोनै आरो सानस’हायै गोहो शाक्तिता, दायो नोङे बुहुम बिखायाव बायदि मैया जिउआरिफोर। हरो नों बुहुम बिखायाव जिउआरिफोरनो जिउ, थायो नों सोरजिहरनाय जिउआरिफ़्राबो, बे दान्दिसे जिउखौनो लानानै गावजों गाव रंजा–खुसि।

मुस्रि मोकथां बसुमतारी कक्राझार कलेज थाखो–जिनै (12) गामि– खोला टेङापारा।

सैया-सैया खालामो अनजालुआ आंखौ

नै अनजालु नों आंखौ गोजाननिफ़्राय नुब्लानो, मानो एरा–एरा खालाम लाङे ? मानिबा गोरोन्थि बुंफ़्लांदों नामा आंलाय ? ना माबाफोर दाय मावफ़्लांदों नामा ? दिनै नों आंखौ गारनानै, गुबुनखौ लानो सान्दों नामा ? बिदिब्ला नों मानो आगोलाव आंखौ मोजां मोनामोन ? दाना मानो सैया–सैया खालामखो ? सानदोंमोन नामा नों आंखौ सान्नैसोनि, थाखायल’ मोजां मोनफ़्लानो, आंखौ फाग्लिसो खालामनो सान्दोंमोन नामा नोंलाय अनजालु ? आं नोंखौ थैनानै थांब्लाबो नोंनि, महरखौ बावनो हानाय नङ। आंनि थायनै मेगनाव नोंनि, महरा जेब्लाबो साया–माया गेले फैबाय थागोन अनजालु। दाखालामसै नों आंखौ सैया–सैया।

मुस्त्रिमा सबानि नार्जारी कचुगाव पाब्लिक गार्लस हाइ स्कुल भिलेज– नर्थ कचुगाव जिल्ला– कक्राझार

रंजालि गथ’फोरनि सौरा

चनेट खन्थाइ

अनजालिनि सिमां सिमां नुदोंमोन नों अनजालि जिउनि रजे जाना मिथिस’ मोना गोसोया नोंनि महरखौ लाना रंजादों आंनि गोसोया आंजों जानाय जुलि। मा एसे मोजां महरखौ लाना रंजादों हर गेजेराव सिमाङव फैबाय थायो फैबाय था, फैफिननांगोन नों। आंनि गोसोया नुबाय थानो लुबैयो मोन्दांस’ हाया आंनि गोसोयाव नों निजोम हरनि सिमाङव लुबैयो आं नों अनजालिखौ नेनो। लानानै अनजालिनि महराव हर गेजेरनि सिमाङव।

बिनाराम औंवारि गामि–निउ लावरि फारा। (थिनालि)

खालामबाय फाग्लि

नों आंखौ खालामबाय फाग्लि आंखौ गोसो थोगोरनानै। मानो बिदि खालामलांखो नों दिनै सना नों बुंदोंमोन अनयनि देरा सुजुनानै सानैजों आलो आलो संसार जालांनो सना मानो आंखौ बावगार लांखो नों दिनै। मानो फाग्लि खालाम लांखो आंखौ नों सनाया आं नोंखौ दाबो गोसो खांबाय थायो रजे मानो खालामो नों फाग्लि रजे नों।

मिस धोनस्रि बसुमतरी थाखो – जि गामि – जामबुगुरि

दिस्वार

रंजानाय बोथोराव नों गल’ गथ’, गदों हासिंडै मानोबा मोदै रथ’। जिंगा लादों अबथिरा मानिबा, हास्थायनाय गोमा जादों माबेबा। बुंस’ हाथि नोंनि जिउनि लुबैनायखौ, मोनदांस’ हाया गोर्बोनि मिजिंखौ अनजालिनि आजाव जाथाव नों सासेनि, फोरमायगोन बिलिया बेखौ नोंनिन। बै जोनोमाव बिबोनाय नों बोर, बेखौनो जाफ़ु होनो नाजादों नों बोदोर। बेखायनो नाजादों गुरैयाव फैहोनो, बिदिन्थाया नुजादों गुमुर मोन्नो। थेवबो हायाखै बुरखायनो साखार गुमुर मोनदाङि अनजालिनि दिस्वार।

मुनिन्द्र बसुमतारी गामि: अग्रं फाख्रिगुरि।

सिखरि

आय’ सिखरि नों बेसे समायना नों बिरबाय बिरबाय बिबाराव बिदै सोबो। हायला–हुयला मोसायो, नोंखौ नुयोब्ला जोंनि, गोसोयाव हायला–हुयला मोसानो गोसो जायो, सिखरि नों मानो जोंनि गोसोखौ, आला–ग’ला खालामो। नों बिरना बिबारनिफ़्राय बिदै सोबननाय, सोर फोरोङ नोंखौ सिखरि नोंहा मा फोथायनाय दं मा सान्नाय रोंग’थि दं एसे खिन्थाना हो, जों फोरोंगोन नोंखौ सिखरि।

मिरिना मुसाहारि

जोनोमगिरि बिमा

आय’ जोनोमगिरि बिमा जोनोम होदोंमोन नों आंखौ सानसे बैसोमुथि बिमानि बिखायाव हान्थु खरायनानै। नुदोंमोन आंबो नोंनि अन्नायाव बे समायना मिथिंगाखौ। आय’ जोनोमगिरि बिमा नाथाय खालामबाय नों आंखौ लामा ससेयाव आस’खान्दा। जानांबाय आंबो नों गोमानार्यनिफ़्राय मेगनाव मोदै खुगायाव खुदै। सोर अनसायबावनो आंखौलाय। आय’ जोनोमगिरि बिमा, गैला आंहा रावबो बे बुहुमाव।

मुस्रि बुध्दिशर ब्रह्म।

खौसेथि

खौसेथि गैयै बर’ हारिनि गेजेराव दिनै जोबनो गैयै हेंथा–हेंथि नुजाथिदों। बर’हारिनि गेजेराव गेदेर जोहोलाव उजियाखै नङ उजिदोंमोन। नाथाय..... दिनै बर’ हारिआ गावनि गेदेद जोहलावखौ मा राखोमै फुजिनांगौ बेखौ मिबथिया। बर’ हारिया गेदेर जोहोलाव उजिब्ला हारिनि सासे गोर्ों मानसियानो सिथारो। दिनै बर’ हारिया खौसेथि गैयाब्ला इयुनाव जागोन बर’ हारिया जखायसे ? दिनै खौसेथि गैयै बर’ हारिनि सोरबा हाजोयाव सोरबा हाग्रायाव थाखोमा थाखोमा थाखोमानांदों। बेखौ नुनानै बर’ हारिया दासिमबो गावनि गाव गोरोन्थिखौ सुस्रानो हायाखै। नाथाय दिनै..... गुबुन हारिया मिनि हरबाय बर’ हारिखौ। गुबुन हारिया पाव फान्दायबाय गुबुन हारिया बर’ हारिनि सायाव जिनाहारि खालामबाय बर’ हारिनि थाखाय दिना खुगायाव खदै मेगनाव मोदै जाबाय।

सि. सि. के. देरहासाद ब्रह्म। गामि– दालांगुरि ला:सो– मागुरमारि

आं सासे नेहाद सुबुं

मुस्रि पबित्र बसुमतारी

आं सासे नेहाद सुबुं! गैया आंहा बे जोनोमाव रावबो! आंनिफ़्राय गोरिबसिन सुबुं जानो थाखाय खबसे ओंखाम होवा आंनो रावबो खबसे ओंखाम। आं सासे नेहाद सुबुं। जानाय समाव खालाम जायो आं आंगोनि जोनोम गिरि बिमा– बिफाजों सैया–सैया सोर मिथिनो दिनै आं खालाम जानायखौ बेयो जाबाय आंनि खाफालनि लिरनाय। आं सासे नेहाद सुबुं। सहाय नाङे आं सामफ़्रामबो दुखु मादि माया गेलेना आनान गसाइनि खालाम जाबाय आं सासे जुनात बायदि दुखुखौ सहाय नांङखै आं बायदि बे जोनोमाव रावबो सुबुंआ। आं सासे नेहाद सुबुं! दसेनि जानाय दसेनि अननाय आंनि आर’ज इसोरनि बोरल हाय! खाफाल मादि जालांगोन सानसनो हाया बुंसनो हाया मादि माया गेले होनाय इसोरनि आं सासे नेहाद सुबुं।

सुंद सल' मुश्री रोन्दाव मोसाहारी

ओइ नोथां मा जाखोब्रा ? हा माथो सिरि थारब्रा ?? हा मा सिनथा खालामखो नोंलाय ??? ना बैसाग फैहां-फैहां खायसो

माबाफोर सानफ्लां लायबाय नामा नोंथां ? प्रतापआ आलारी मेडिकेल स्टरसआव जनानै थानाय रोन्दाउखौ जंखायनाय रावयै बुडो लोगो मोननानै। आरो

बुंबावो असायब’आ साथाम सब्रै गोसो थोनाय गोनांखायसो माबा साननाय बेराम जाबाय नामाब्रा, फैं गौ बिसायख’थनि (इले क सन) थाखायनो दोनथ’बाय देग्लाय बोसोरसेनि

रोन्दाउआ मिनिस्तुयैबिनि फारसे मिलौ नायहरो आरो बुडो।

बिब्दि नडालै नोंथां।

आं गोसो थोनाय, मोजां मोननाय आरो जुलिनि बाश्राखौ सानदोंमोनब्लाबो नैबे फैं गौ बिसायख’थनि (इले क सन) थाखायनो दोनथ’बाय देग्लाय बोसोरसेनि

सासे सिनायमोनै सुबुड जगवनि कारखौ हवाइट हाउसनि सिक्किउरिटि गेटआव सोदों

गोदान दिल्ली, 22 अक्टबर:

आमेरिकाआव हवाइट हाउसनि बाइजोआव सासे सिनायमोनै सुबुड गवनि कारखौ जरजुलुमै रैखाथि बेरियारजों सौग्राव होयो। बे जाथाया हरनि 10:37 रिंगायाव जायो। बेनि उनाव इउएस सिक्नेट सार्भिसआ थाबैनो ड्राइभारखौ जिम्मायाव लायो। बे जाथायनि उनाव हवाइट हाउसनि रैखाथि आरो सांग्रांथिनि सायाव फिन खेबसेबाव सोंथि सिखांनो हमो। सिक्नेट सार्भिसनि बायदिब्ला, बिनि इउनिफर्म डिभजनआ कारखौ सिग्रोमो आरो बेखौ रैखाथियै दङ’ होन्ना फोसावयो। आथिखालाव ड्राइभारखौ सिनायथि होनो हाबाय आरो बे जाथायनि आन्दोन थान्छिनि सोमोन्दै दासिमबो जेबो खौरां होनाय जायाखै। बेजों लोगोसे



नायबिजिरनाया सोलिगासिनो दङ’। बे जाथायनि उनाव सशेल मिडियाआव हवाइट हाउसनि बायजोनि भिडिअ’आ गोख्रैयै भाइरेल जायो। भिडिअ’आव सिक्नेट सार्भिसनि बिबानगिरिआ सौग्रावनाय कारखौ नायबिजिरो, जायनि माप लानाय आरो सावगारि सेबखांनाय नुनो

मोन्दों। बे जाथायनि समाव हादतगिरि डनाल्ड ट्राम्पआ हवाइट हाउसनि सिङाव दङ’मोन। बे जाथायनि उनाव हवाइट हाउसआ लकडाउन खालामनार्यनि गोर्नांथि जायाखै। गेटनि फारसे थंग्रा लामाखौ बन्द’ बिखौ जिम्मायाव लादोंमोन। बै समाव हादतगिरि ज’ बाइडेनआ हवाइट हाउसआव गैयामोन।

सुहाबनाय हराव, नोंखौनो गोसोखाडो

(1 बिलाइनिफ्राय) फोथैनो नाजानाय जादोंमोन। नाथाय बेबो फेलें जागारदें। दानस्नि जानाय लोगो लोगो सानसे गोब्राब उदें सानानै सिथ्लायावनो बाग्रायदोंमोन हांबुरा आरो देहाफाहामसालियाव मोनहैनाय सिगानो बियो जावजा गोथै गथखौ जोनोम होदोंमोन। मानसिब्लाबो आबुं मानसिनि महर मोनफुंजोबै बै सानै गथ’खौ नुनानै बिदिन्थाया जोबोद समखिखांदोंमोन। जानांगौ गोरबोयाव थानाय बै मानसि सानैखौ फोथैनो नाजानानै अजानि मुलि जानायनि जाउनावनो बै गथ’ सानैया गिथावना महरनि जादोंमोन। दिनैबो बिदिन्थानि मेगन सिगाडव थैजों दुगैनाय बिमानैनि बै महर आरो गथ’ सानैनि गिथाव बाथाव महरा जाखाफैबाय थायो। खास्नि–बिस्नि मोनखाडो बियो।

रोंग’थिया जिउनि अगानफ्रोमावबो फैदोंमोन। बिफा आरो बिमानैखौ सामलायनार्यनि गासै बिबाना बिदिन्थानि फाफिलथाव गोग्लैदोंमोन। संसारनि फाटुव नोजोरा बिनि थाखिखौ गोखोंसिन् खालामदोंमोन आरो बिब्दिनो सौसिनानै सानसे फोरोंगिरिनि मासियाव जिरायनानै रानजिलांनाय न’खरनि बियो खुन्थिया जानानै गोगोम गसंदोंमोन। समाजाव गावसोरनि मासिखौ फर्सफिननो हादोंमोन।

“ नोंनि हाबानि बाश्रा साननो सम जाबायमोन आइ।’’ सानसे बिफाया बाश्राखौ दिहुनदोंमोन। “ आंनि हाबानि समाथ’ माब्लाबानो बारगलांबाय आफा। दा आरो बेफोरनि थाखाय आंहाबो सम गैला, नोंसोरबो जिंगा दासिसै। हाबानि अनगायैबो जिउआव मावनांगौ गोबां खामानि दं।’’

बियो रोखायै बुंदोंमोन बिफाखौ। बै साननिफ्रायनो बिफाया आरो फिसाजोनि हाबानि बाश्रा दिहुनाखिसै। रोजा सोंलुनि मोगा–मोगि जानो बिदिन्थाया लुबैलिया। मानोना जाय नोजोरजों दासिमबो समाजा बिमानै आरो बिखौ नायो, बै नोजोरफोरखौ एरखेनो बियो माब्लाबानो गोरा समायखिरा लाखाबाय। दाय गैयाब्लाबो दायनिगिरि साजायजायो बिसोर। जिनाहारनि दागोआ नांहाबनानै थाबाय बिसोरनि मोदोमाव, जेराव जिनाहारि खालामग्राफोरा दासिमबो उदाडैनो दं, रावबो गुमुरखौनो मोनाखिसै सोरबादि गांहाबनाय सियालफोरा दोखो दोखो अरफलेलांखो बिसोरनि जिउ–जौमोन, बिसोरनि थानानै थानार्यनि हाबिला, बिसोरनि समाजाव बयजोंबो गोरोबनानै थानो हनार्यनि मोनथाइ। जोनोम जोनोमनि दागो फोनांनानै होलांबाय, सेखनानै लांजोबबाय जिउनि गासै गांनाय–उखैनाय।

सोंलुफोरा गोरबो इसिडव दोहो दोहो खामोब्लाबो बिदिन्थाया दानिया रावनावबो सोलिया बेफोर सोलुखौ। मानोंना मिथिगौ मानसि होननाय बे आर्थि थेंनै जुनादफोरा गासैखौ मुखानि आन्दोयाव थानो मोजां मोनो। खालाइ जानाय होननानै बजबनो गोब्राव मोननाय, समाजाव मान होनो गोब्राव मोननाय बै मुखा गाननाय सुबुंफोरानो स्रोद स्रोद बिदिन्था–हांबुरमोनखौ हरनि खाबु लानानै दरजा बुफैयो, खोमसिनि खाबु लानानै आखाय हमफैयो, बाबु मोनोब्लानो स्रोद सोंखुमायो माबादि मोननायमोन बै समाव जेब्ला लांसुनियाफोरा बिसोरनि देहा सायाव दंमोन, बिसिदोंमोन बिसोर गाननाय जि, बिदा– बिफानि सिगाडवनो लांथिया गसंनानै थानायाव बिसोर माबादि मोनदोंमोन।

सोरनो सोरनि सोंनार्यनि एबा सोरनि नोजोरनि बेरेखायै अजद होनो.... बिजिरगिरि गैया बे मुलुगाव। दाय जाबनानै होसिननोल बयबो मोजां मोनखायो। बिदिन्थायाबो दा रावनोबो जेबो अजद होलिया। सोरनिया सोंनार्यनि फिननाय होनांगौ

होननानैबो सानलिया। सोरनिबा नोजोरनि फिनजाउन्थाय होनांगौ होननानैबो साना। आर्थि आसुगुरनिफ्राय खानाय थिखिनिसिम जिउनि रोंगथि जाखाबाय। अजदआ मोनसेल’..... थैनो होननानैबो थैनो हानाय गोसो मानो हरदिया इसोरा बिनो। गावनि थाखाय जेबो दुखु गैया बिहा। दुखुनि थप्लाखौ बियो रुजुन’हाया बिमानैनि थाखायसो। मानोना गोजां बोथोरनि सुहाबनाय बिब्दि हराव बिमानैआ इनार्यनो गाबखोमायो। मैयाबो नुदोंमोन बियो बिमानैखौ गान्दुखौ गोबाथाबनानै सिरियै मोदै हुगारखुमानाय। दाखालि न’ सिबनाय समाव आस्लि– बिस्लि नुसनफ्रांदोंमोन बियो गान्दुजों खोबनानै दोननाय डायेरियाव बिमानैनि लिरनाय मोननैसो सारि– सानसे बेबादि गोजां बोथोरावनो गुंदु सिमां जानानै गोबाफैदोंमोन नों आंखौ दुखानाय नोंनि हाडव गोदौफानाय आंनि हां गोजांबोथोरनि खुवामि हरा मानो गुसुं जायो होननानै नोंनि अजदमोन..... नोंबो बुडाखेमोन बाश्राखौ आंबो बुडाखेमोन बारावसो गोजावदोंमोन नामा बेफोर बाश्राया खुन्त्लाइ जोमै दखरसे मैया आंनो रादाव होफैदों खुवामि हराव बिसम्बिफोरा जायो जोबोद जिउगोथां दुन्दिया सिफलेनाय बादि मोदोमदोंमोन नोंनि अननाय गोजां बोथोरनि फुंबिलियाव अर सायनायाव मेनाय आलुबादि थावस्त्रेममोन हर गेजेराव नोंनि दारिनि जोनाय सिमानिबो सिमांमोन नाथाय गासै रादाइ.....

आरोबाव गोबां माबा–माबि....। बिदिन्थाया फरायजोबनो हायाखैमोन। फरायसालियाव थानानै, मेल–मिटिफोराव थानानै, माबा माबि खामानियाव मुखुब थानानै बिदिन्थाया गावनि माखासे दुखु–दाहाखौ बावगारनो हागौ। नाथाय बिमानैया सानसेथोलो न’आवनो थायो। गामियावबो रावनावबो थाड। नाथाय सम सम बेबादि दायेरियाव माबा–माबि लिरखुमानाय नुयो बियो । माब्लाबाबो बिदिन्थानो दिन्थिफेराखै। बिदिन्थायाबो नायनांगौ होननानै सानाखैमोन। नाथाय गोजां बोथोराव बिमानैया बांसिन् बेबादि दायेरिजों मुखुब जासिनो। हराव जाखां–लोंखां उन्दुनो बिस्नायाव बारखोनानै बिदिन्थाया माब्लासो उन्दुनो मोनगोन जायो। नाथाय बे समाव गुबुन गंसे बिस्नायाव उन्दुनाय बिमानैआ मोदै हुगार हुगार दायेरियाव माबा–माबि लिरनायखौ बियो नायखोमाबाय थायो। बेबादि दायेरि गांथामसो दं बियो नुदों। बिमानैनि ट्रंकआव जानांंगौ बेबादि गोबां दायेरी दंबावो। माबा मोनसे खालामथारनांसिगोन। दिनै फरायसालियाव जानो गोनां गुनत्सबनि हाबाफारियाव गावसोरनि फरायसालियाव फैनो गोनां रोंग’सरा सासे लिरगिरि होननानै खोनानाय लोगो लोगो बिदिन्थानाव मोनसे बाश्रा सौग्रावफैदों। बिमानैआ लिरनानै दोननाय बेफोर गुसुं गुसुं मोनदांथिनि फोरमायथिफोरखौ गांसे खन्त्थाइ बिजाब होनो हानायमोनब्ला....

बिमानैनि बेफोर बाश्रा खोनदोखौ नुनानै बिदिन्थाया दाजाबनो गोसो जायो– गोजां बोथोरनि सुहाबनाय हरफोरा मानो जायो एसेबां निनगोमा

दाहानि थप्लाफोरा जाफैयो मानो एसेबां लिरदोमा बबेनि निहोर थरथरिं सोरजिफैयो मेगनाव लैथोमा न’खर दानार्यनि सिमां नुहोनानै थाखोमानानै थाहैयो सोर अनसेमा।

थाखाय। रोन्दाउआ बुडो। आरो मिनिस्तु जाना प्रतापनि मोखाडाव मिलौ नायो। अब्ला प्रतापआ बुं’बावो नों’थाडा थुनलायनि सासे मानसि आरो आं हारिमुनि सासे मानसि, अब्ला बेयाव जोंहा सानांगौ आरो गोथौ सिन्था खालामनांगौ जेबो गैया। राजखान्थि गेलेग्राया राजखान्थि गेलेगोन जेनग्राया जेनगोन, देराहग्राया दरहागोन, सिनथा खालामग्राया सिन्था खालामगोन आरो सोर बि.जे.पि सोर ए.जि.पि सोर कंग्रेस जोंहा साननांगौ जेबो गैया रोन्दाउ, प्रतापआ बुडो। आरो रोन्दाउ आं सानबावो मा बायदि मेथायजों देग्लायनि रंजालि बैसागुखौ रंजा लानो हागोन आरो बैसागु फोरबोखौ बिदाय होनो हागोन बेल’ आंनि सिन्था। बेनि खायनो नोंथांनि सिन्थायाबो जानांगौ जे आंनि साननायाव देग्लाय बैसागुखौ लानानै मा बायदि सल’, खन्थाय लिरनानै महर होलांनो हागोन थुनलाय बिखायाव अब्ला जोंहा राजखान्थिनि सायाव साननांगौ एबा सिन्था खालामनांगौ मा दं ? रोन्दाव आं मिथिगौजे मोनसेल’ बाश्रानि थाखाय सिन्था खालामनाय एम.एल.ए. (5) एम.पि. आ बिसायख’थियाव बेखौनो “बिदा गोदै’’ आरो हिन्जाव

बिजाथिया देरहायोब्ला “बिब’ गोदै’’ लिनो नाजा। जाय नाजानाया जाफुंङोब्ला नोंनि संसारा सोरगोफुरि बायदि जागोन, आरो नों लाख लाख रॉनि बिगोमा जानो हागोन। नों बुनाय बायदि जायोब्लाथ’ आरो जेबो सिन्था खालामनांगौ गैयालै प्रताप, रोन्दाउआ बुडो। आरो बुंबावयो रोन्दाउआ नों सिन्था खालामनानै नाय प्रताप आथिखालाव हारिनि जौगानाय नासय जानाय, थगाय जानाय, फोजोबस्रां जानाय आरो राव, हारिमु गोमा लांनाय बेफोरनि गुदियावनो दं। नैबै फैंगौ बिसायख’थियाव देरहानाय बिजाथिफोरनि मैखोम बिबान। अब्ला जौबाय दि इसे साननो हानाय आरो इसे रोंनाय सुबुंफ्रा सिन्था खालामाब्ला मा जानो ? आथिखालाव आं बुंनो हायो जाय बिजाथिया देराहायोब्ला हारि हादरनि मुलाम्फा आरो जायबिजाथिया जेनोब्ला हारि आरो ओन्सोलनि सुफुंख’ हायै खहा आरो जाय खहाखौ इडनावबो सुफुंख’ हाया। बिनि खायनो आं सम सम बिसायख’थिनि बाश्राखौ सानोब्ला आरो हारि, हादरनि इडनखौ गोसो खांब्ला आंखौनो बावगोमा लाडो प्रताप। आरो बायदि बायदि सानबोलावरी आंनि गोबोंआव जाखांफैयो।

हारिखौ लानानै। बेफोर बायदि बाश्राखौ दोनथ’दोलै रोन्दाव नोंथां,साननो गोनाड बेल’ सैदि जों’हा दानि फैं गौ बिसायथ’थियाव सोर बिजाथिया देरहागोन आरो सोर बायदि एम.एल.ए. खौ “बिदा गोदै’’ एबा सोर एम.एल.ए.खौ “बिब’गोदै’’ लिनो हागोन बेल’ जौंनि साननो गोनां बश्रा। जैरेब्लाबो बे खेबाव “बिदा गोदै’’ एबा बिब’ गोदै लिनो नाजाथारनांगौ नडब्ला सोरबा एम.एल.ए. फोरनि नखरनि जाथि खुरमाखौ नागारनानै जुलि मोनांगौआसो गिदिरथार बाश्राखौ। नडब्ला जों बेखार जेंनाजों मोगा–मोगि जानांगौआ रोखा।

नंगौ प्रताप नों दासो बुजिनो हाबाय आथिखालाव जाय मानषिया एम.पि, एम,एल.ए. फोरनि नखरनि मानसिफोरजों सोमोन्दो दानानै लानो हादों बेनि जीउआव अरायनि थाखाय सुखि। आरो जायफोर मानसिया एम,एल.ए, एम.पि. जों सोमोन्दो थानाय बिसोरनो बायदिसिना सं’सन एबा साख्निन गलादार। जायनि गेजेरजों बिथांमोनहा लाख– लाख रॉनि बिगोमा जानो हादों। आरो मोनसे साख्निन मुडव

(1 बिलाइनिफ्राय)

आसाम सरकारनि “शुश्रुषा चेतु’’ आसनीनि गेजेरजों तामुलपुराव सावस्त्रि फाहामथाइ बाद खुंदों

जागायनानै 18 बोसोर बैसोनि लाइमोनफोरखौ बेसेनलायाजासे गोगो फाहामथाइ होनो थाखाय मोनसे गिदिरथार सावस्त्रि फाहामथाइ मावबादा खुंनाय जायो। तामुलपुर बिधान सभा बियाबनि आवथायाव खुंजानाय बे मावबादाखौ एम एल ए जलेन दैमारि बिथांआ बेखेवनानै होयो। बे सावस्त्रि फाहामथाइ मावबादायाव फरायसा, फरायसुलि, लाइमोनफोरजों लोगोसेनो बैसोगोरा सुबुंफोरखौ फाहामथाइनि थाखाय नायबिजिरनाय जादों। मेगननि बेराम, खोमानि बेराम, लिभार, डाइबिटिस बायदिजों लोगोसेनो मोन 50 रोखोमनि बायदि–बायदि बेरामखौ बे मावबादायाव फाहामथाइनि थाखाय राहा लानाय जादों होनना मिथिनो मोन्दों। जायफोर सुबुंफोरनि बेरामखौ बे फाहामथाइ मावबादायाव फाहामनो हायाखै बिसोर सुबुंफोरनि बेरामखौ मोजांङे फाहामथाइ होनो थाखाय आसामनि मुंदांखा देहा फाहामसालिफोराव फाहामथाय होनायजों लोगोसेनो गोनांथि जायोब्ला गुबुन राइज्योआव फाहामथाइनि थाखाय बेसेनलायाजासे खाबुखौ होनाय जागोन होनना मिथिहोदों। मख’नो नांगोनदि, तामुलपुराव खुंजानाय मेगा सावस्त्रि फाहामथाइ मावबादायाव गोबां सुबुंफोरानो गोगो फाहामथाइनि थाखाय बे खाबुखौ लादों।

बे सरकारआ जुबिन गार्गखौ फिन खेबसेबाव बुथारबावबाय: कृषक मुक्ति संग्राम समिति

हाबाफार सामलायो। बे हाबाफारियाव बिजेपि सरकार आरो गिबि मन्थ्रनि हेंथायै कृषक मुक्ति संग्राम समितिनि गाहाइ नेहाथारि बिहुत शइकियाआ बैरफुसार बिबुंथि लाखियो। सरकारआ सरकारनिफ्राय न्याय मोनार्यनि रहा आरो ‘ आमिउ जुबिन तुमिउ जुबिन’ स्ल’गाननिफ्राय आसामनि राइजो–रजाफोरखौ सांग्रां जानो थाखाय कृषक मुक्ति संग्राम समितिनि मिरु नेहाथारि बिहुत शइकियाआ हांखायहरदों। जाय दोलोनि सरकारआ मिरु, राइजो एबा पन्सायतसिम सोलिगासिनो दङ बे दोलोआ दिनै राजा लामायाव ओंखारनानै जुबिन गार्गनि जिउ गोमानार्यनि न्याय नागिरनो गोनां जादों। बिसोरो थार आरो नंखाय जुबिनखौ अन्साइग्राखौ बांहोनानै आसांमनि गोबां सुबुंफोरखौ लामा आन्दायहोनो नागिरदों। दिनै बिजेपिआ थार आरो नंखाय जुबिन अन्साइग्रानि अन्जिमानि बिदिन्थ होनानै फोरमान खालामदोंदि, एसेबां सान सरकारआ नंखाय भावथिना दिन्थिबाय थानायजों लोगोसेनो नायबिजिरसंनार्यनि मुडव फाव्थिनासो खालामगासिनो दङमोन होन्नानै अजद दिखांदों।

इउपिपिएल दोलोआ लोरबां नड : राजु नार्जारि

गाहाइ नेहाथारि नाजु कुमार नार्जारिआ। मख’नो गोनांदि, कक्राझाराव दिनै इउपिपिएल दोलोनि गाहाइ मावख’आव खौरांगिरिफोरनि सिगाडव राजु नार्जारिआ फोस्मायनाय बायदिब्ला फैगौ बिधान सभा बिसायख’थिनि सिगाडव इउपिपिए दोलोआ एनडिएनि लोगोआव थानाय थायैनि सोमोन्दै फोस्मायदोंदि, बिजेपिआ मोनसे हादरारि थाखोनि गेदेर दोलो आरो हादरारि सिन्था सर्साजोंसो दोलोखौ सामब्लायो। दिनैसिम एनडिएनि लोगोआव इउपिपिएलनि सा 2 एमपि आरो सा 7 एमएलएफोर दङ। नाथाइ हाग्रामा महिलारिआ नागिरनाय बायदि जोंखौ दिनैसिम एनडिएनि दैदेनगिरिफोरा इउपिपिएल दोलोखौ एनडिएनिफ्राय ओंखारनांगौ एबा ओंखारनाडैनि जेबो बाश्राखौनो सावरयाखै। एनडिएनिफ्राय ओंखारलांनो थिनोमोनब्ला गुबुन बाश्रा जागौमोन। नाथाइ दिनैसिमबो बे बिथिनि बाश्राखौ एनडिएनिफ्राय फोरमायहराखै आरो दिनैसिमबो इउपिपिएलआ एनडिएनिफ्राय आउट जायाखै होन्नानै रोखा फोरमायदों। राजु कुमार नार्जारिआ फोरमायबावनाय बायदिब्ला बिपिएफ दोलोआ दोलोनि पिएमबि जथुमाव इउपिपिएलखौ आउट खालामब्लासो बिपिएफ दोलोआ इन जागोन होन्नानै थांखि लादोंमोन। नाथाइ बे पिएमबि थांखिनि उल्थायै एनडिएआव बिपिएफआ हाब्बाय। थामहिनबा बिपिएफनि गाहाइ हाग्रामा महिलारिआ आथिखालआव दोलोनि बिएमबिआव आजावनाय बे थांखिखौ नेवसिनांगौ होन्नानै खावलायदों इउपिपिएलनि दैदेनगिरि राजु कुमार नार्जारिआ। नार्जारिआ फोरमायबावनाय बायदिब्ला इउपिपिएल दोलोआ जाबाय सुबुं खान्थियारि मोनसे गोहो गोरा दोलो, गोजोन आरो दुखुथियाफोरनो न्याय होग्रा दोलो। बेनिखायनो इउपिपिएलआ सुबुंखान्थियारि सानखांथिजों सोलियो। बे नोजोरजों इउपिपिएलआ हाग्राम महिलारि दैदेन्नायाव बिटिसियाव बिपिएफनि सरकार दानायाव दोलोनिफ्राय जों दुंबुदयै बरायो आरो बिपिएफ दोलोआ बड’लेण्डआव गोरिब दुखुथियाफोरखौ सिबिनानै फारफ्रोमबो बिथिडव जौगालु खामानि मावनांगौ होन्नानै खावलायो। नार्जारिआ इउपिपिएलनि समाव आद्रा जानाय जौगालु खामानिफोरखौ मावफुंनांगौ होन्ना खावलायो। बिटिसि आयेन आफादनि सिडव आरो बाइजोआव इउपिपिएल दोलोआ गोहो गोरा बेरेखा दोलोनि बिफाव लागोन आरो बेरेखा दोलोनि गाहाइ दैदेनगिरि खाम्फा बरगयारिनि दैदेन्नायाव बेरेखा दोलोनि मासिनिफ्राय राइजो–रजाफोर, ओन्सोलनि जेंनानि थाखाय जेब्लायबो राव होलांबाय थागोन होन्ना फोरमायो। थानाय बिटिसि बिसायख’थिनि फिथाइआव बिपिएफआ 7,80,000 भट मोन्दोंमोन आरो बिपिएफनि बेरेखायै सा 12,00,000 भटारफोरा भट होदोंमोन। बे बिथिडव इउपिपिएल दोलोआ दोलोखौ सिगांनिफ्रायबो गोहो गोरसिन् खालामनानै बिटिसियाव 7 लाखनि सोलायै 12 लाख भटखौ लानानै फैबाय थानाय समफोराव दोलोआरि हाबा–हुखाफोरखौ लानानै दावगालांगोन होन्नानै नार्जारिआ फोरमायदों। लोगोसे फैगौ 1 नभेम्बरनिफ्राय 7 नभेम्बरसिम गसाइगावनिफ्राय गहपुरुसिम इउपिपिएल दोलोआ दोलोनि फर्सथानारि बिथिंखौ गोहो गोर खालामनाय थांखिजों मोनसे मथर साइकेलनि हान्जा सुरगोन होन्नानै फोरमायो। बिटिसि बिसायख’थियाव देशालांनाय इउपिपिएलनि सा 7 एमसिएलएफोर बिपिएफजों लोगो जागोन होन्नाय बाश्राखौ नेवसिनानै इउपिपिएलनि गाहाइ नेहाथारिआ फोरमायदोंदि, बे खौरांआ जानो हाथावा। मानोना राइजो–रजाफोरा इउपिपिएल दोलोखौ बेरेखा दोलोआव थानानै गोहो गोरा बिफाव लानो खावलायदों। बे बिथिडव इउपिपिएलनि सा 7 एमसिएलएफोर बिटिसियाव 5 बोसोरसिम बेरेखा दोलोनि गोखों बिफाव लागोन होन्नानै फोरमायो। फैगौ डिसेम्बर–जानुवारि दाननिफ्राय बिधान सभा बिसायख’थिनि फोसावदिनायखौ जागायजेनगोन होन्ना फोरमायनानै बिटिसि बिसायख’थियाव जेनगोन होन्नानै बिधान सभा बिसायख’थियावबो जेनगोननि जेबो बाश्रा गैया। बिसायख’थियाव जेन्नाय देरहानाया थाखायो। नार्जारिआ इउपिपिएल दोलोआ लोरबां नड होन्ना फोरमायनानै दिनैनि अक्टआव इउपिपिएल दोलोआव सा 7 एमएलए आरो सा 2 एमपि दङ नाथाइ बिपिएफआव सा 3 ल’ एमएलए आरो सासेबो एमपि गैया होन्नानै फोरमायो। बेनिखायनो फैगौ बिधान सभा बिसायख’थियाव इउपिपिएल दोलोआ बिटिसि ओन्सोलनि मोन 15 बिधान सभा बियाबनि अनगायैबो बिटिसिनि बाइजोआवबो गोग्गोम बिफाव लागोन होन्नानै फोरमायो।

माहाम देहानि राहा

खानायाव खफि जानायनिफ्राय रैखाथि मोन्नो थाखाय सुम्फ्राम बिलाइखौ बाहायनो हायो



खानाय गुनाय, खानाय जनाय जेनाफोरा साफ्रोमबो सुबुंफोरनि थाखाय आथिखालाव सरसन्त्रा जायो। बे जेनानि गाहाइ जाहोन नेमखास्थि गैयैजों जिउ खुनाय आरो जानाय लौनायाव मोजां हुदा गैयैनि जाहोनाव जानो हागौ। जुदि नौथाडबो हेयार फलनि जेनाजों भुगिनांदोंब्ला सुम्फ्राम बिलाइआ नौथानि

सडियामनि गोहोमखौ बाडइ खालामो, जायजों ब्लाड प्रेसारनि जेनानिफ्राय रेहाय मोनो। बेनि अनगायै सुम्फ्रामनि नेमखास्थि बायदियै जानायजों देहायाव कलेस्ट्रलनि थाखोआ बाडइ जायो। सुम्फ्रामआव थानाय भिटामिन सि नि एन्टिअक्सिडेन्टआ देहानि गोहोखौ बांहोयो आरो केन्सारजों दावहा नांनायाव देहानि मदत होयो। हेयार फलखौ होबथानो थाखाय बयनिखुइ सिगांसिन गंसे बर्तनआव लितारसे देखौ गासै 20 मिनिट फुदुंनानै बेवहाय सुम्फ्रामनि बिलाइफेरखौ होनांगौ। बेनि उनाव बेखौ गुसु खालामानांगौ। बे फुदुंनय बिबैखौ उनावबो बाहायनो थाखाय बेखौ गंसे बटलआव सोनानै औरैबायदि जायगायाव दोननांगौ। जेराव बिदुंआ बयनिखुइ बाडइसिन जायो। बे बिदैआ खानाय गोब्रा जानायखौ बाडइ खालामानानै बेखौ जोंखां होयो आरो हेल्दी बानायो।

थामा सावथुना गिबि सानाव बक्स अफिसआव मोजां रां आरजिदों

मेडाक फिल्मसनि हरर इडनिभासनि गोदान सावथुन 'थामा'खौ दिनैनिफ्राय हादतनाडै सिनेमा हलफोराव रिलिज खालामनाय जायो। गोबाव समनिफ्रायनो अन्साइगिरिफोरा बेनि रिलिज जानायखौ नेनानै दंमोन आरो दा बे हरर कमेडि सावथुना नायगिरिफोरखौ एन्टारटेन खालामनो थाखाय नुजाथि फैबाय। दिवाली सिजनआव बक्स अफिसआव दोहौ सोमजिहोनो थाखाय आयुष्मान खुराना आरो रश्मिका मन्दानानि सावथुना नुजाथिबाय आरो रिलिजनि गिबि सानाव मोजां कालेक्सन खालामना दिन्थिदों। बबेखानि 'स्त्रि 2' सावथुननि जाफुसारायनि उनाव 'थामा' सावथुना मेडाक फिल्मसनि



गोदान कमेडि सावथुन। थानाय बोसोराव मेकारफोरा बे सावथुननि एनाउन्समेन्टखौ खालाम खादोंमोन। जायनि उर्ननिफ्राय बयबो बे सावथुननि रिलिज जानायखौ नेनानै दंमोन। आथिखालाव रिलिजनि गिबि सानाव थामा सावथुना

नायगिरिफोर आरो क्लिटिक्सनिफ्राय गोबां पजिटिभ रिभिड मोन्दों, जायनि जाहोनाव थियेटासनि बायजोआव नायगिरिफोरनि गोलाव लाइन जानायखौबो नुनो मोन्दों। रिपर्टनि बायदिब्ला बे हरर कमेडि सावथुना 20 कौटि रॉनि

सोलायबावगोना रोखा जादों। दिवालीनि फेस्टिभ सिजनआ थामा सावथुननि थाखाय मोजां जागायनाय होन्ना गनायनाय जायो। फैगौ सानफोराव बे सावथुननि रां आरजिनाया बांलांगोन होन्ना मिजिं थिदों।

दिपिका पादुकण आरो रनभिर सिंहआ गिबि खेब गावसिनि फिसाजो दुआनि मोखांखौ दिन्थिदों

सुपारस्टार रनभिर सिंह आरो दिपिका पादुकणआ थानाय बोसोराव फिसाजो दुआनि बिमा-बिफा जादों। बे सोलिफु बोसोराव खेबसेबाव बे ज'राया गावसिनि फिसाजोनि मोखांखौ दिन्थियाखैमोन आरो अनसुलि फिसाजोखो साफ्रोमनि नोजोरनि जानगायाव दोनखुमाना दोन्दों। नाथाय बे दिवाली सिजनआव रनभिर आरो दिपिकाआ गिबि खेब गावसिनि फिसाजो दुआ सिंहनि मोखांखौ दिन्थिदों। बिथांमोननि अनसुनि फिसाजोनि समायना सावगारिफोरखौ नुयोब्ला नौथांमोननि गोसोआबो गलिगोन, मानोना दिपिका पादुकणनि फिसाजोआ जोबोद किउट। मिबथि होनाय जायोदि, समाजआरि बिजोंआव दुआनि सावगारिफोरा गोखैयै भाइरेल जागासिनो दं। 8 सेप्टेम्बर 2024 आव दिपिका



पादुकणआ फिसाजो दुआखौ जोनोम होदोंमोन। थानाय सेप्टेम्बर दानआव रनभिर सिंहआ गावनि बिसि दिपिकाजों जयै लोगो नांनानै गावनि फिसाजोनि जोनोम सानखोबो सेलिब्रेट खालामदों। बोसोरसेसिम पेपराजिनि के मेराफोराव गावसिनि

फिसाजोखौ दोनखुमाना दोन्नानै बे पावार कापलआ दिवालीनि खाबुआव दुआनि गिबि नुथाइखौ समाजयारि बिजोंआव शेयार खालामदों। अदेबानि मंगलबारखालि दिपिका आरो रनभिरआ गावनि अफिसियेल इन्सटाग्राम हेन्डेलआव गावनि फिसाजोनि

लेटेस्ट सावगारिफोरखौ शेयार खालामदों। बे सावगारिफोराव गिबि खेब दुआ सिंहनि मोखांखौ नुनो मोन्दों। सावगारिजों रोखायै मिबथिनो हायोदि, दिपिका पादुकण आरो रनभिर सिंहनि फिसाजोआ नांनयनि बारा नायनो समायना। बे बिथिआव बियो रनभिर

दिवाली सिजनआव 'एक दीवाने की दीवानियत' आरो 'थामा' सावथुना गोखोडै बादायलायदों



साफ्रोमनोबो आयना दिन्थिदों। रिपर्टनि बायदिब्ला रिलिजनि

गिबि सानाव बे सावथुना 10 कौटि रॉनि फालांगि खालामदों।

डाबल डिजिटजों एकाउन्ट खुलिनानै एक दीवाने दीवानियत

फावखुंग्रि पभित्रा पुनियाआ गावनि फिसाइ जानो गोनांजों जयै लानाय माखासे सावगारि शेयार खालामदों

टेलिभिसन फावखुंग्रि आरो बिग बस 14 नि बारा' कन्टेस्टेन्ट पभित्र पुनियाआ फिन मोजां मोन्नायाव गोल्दैदों। फावखुंग्रिया बेनि सिगां फावखुंग्रि एजाज खानजों डेट खालामगासिनो दंमोन, नाथाय माखासे सम उनाव ब्रेकआप जादों। बबेखानि एजाजजों पभित्राजों रिथेलिटि स्व' बिग बसआव लोगो मोनलायदोंमोन। खमैबो 4 बोसोरसिम जयै थानायनि उनाव सानैजों 2023 आव गावस्त्रा लायदों। बेनि सिगां पभित्राआ एजाजखौ नासिसिस्ट होन्ना मिबथि होदोंमोन आरो लोगोसेनो बुंदोंमोनदि, बिथानि आखुआ थिग नडामोन। अदेबानि दा फावखुंग्रिया सिगांनि समखौ बाउगारनानै गोजोन जिउ खुलांनो थाखाय थांखि लादों। पभित्राआ मुम्बाइनि सासे बिजनेसमेनजों आस्थाम सोलायनाय आरो सानैजों मोजां मोनलायनायव गोदोहाबना दं। सुलुंनि बायदिब्ला, पभित्राआ मुम्बाइनि बिजनेसमेनजों डेट खालामगासिनो आरो सानैजों गोबाव समनिफ्रायनो जयै सम थांहोगासिनो दं। पभित्राआ इनस्टाग्राम एकाउन्टआव गावनि जुलि जानो गोनां लोगोगिरिजों



जयै लानाय माखासे सावगारिफोरखौ शेयार खालामदों, जर'खा बाथ्राया बेनोदि, फावखुंग्रिया गावनि फिसाइ जानो गोनांनि मोखांखौ दिन्थियाखै। गोजा गावनि

गाउनआव बिथांखो जेब्लायबोनि बायदि समायना नुदों आरो बिथानि आखायनि आसियाव गिदिर हिरानि आस्थाम नुनो मोन्दों। बे खोंरंखो रोखा खालामनानै पभित्राआ

मोनसे सुलुडाव फोरमायदों आं फिन मोजां मोनलायनायाव दं आरो बे बोसोरनि दिवालीआ आंनि थाखाय बांसिन जर'खा मानोना आं बे फोबोंखो न'खरजों लोगोसे फालिगोन।

प्रियंका चप्रानि मोनसे सावथुना फिसाइ निक जनासनि फेभरिट

बलिउडनि फावखुंग्रि प्रियंका चप्रा जनासखौ औरैनो देसि गार्ल बुंनय जाया। फावखुंग्रिया गुबुन हादतआव थादोंब्लाबो नाथाय गावनि हारिमुखौ मान होनाय आरो फोर्बोफोरखौ फालिनायखौ बाउगाराखै। बावैसो सिगां बिथाड लन्डनआव दिवाली फालिदों। अदेबानि बिथाड ब्रिटिस भगजों लोगोसे बाथ्रा सावराय लायनायाव फोर्बोनि फारसे गावनि मोजां मोन्नाय, गुबुन हादतआव गावनि लोगोफोरखौ सोलौंथाइ होनाय नेम-खान्थिफोर आरो गावनि लोगोफोरखौ सोलौंथाइ होनाय नेम-खान्थिफोर आरो गावनि लोगोफोरखौ बिथाड बलिउडनि मा बायदि सावथुनफोरखौ नायनो बोसोन होदों बेनि सायाव गुवारै बाथ्रा सावरायदों। प्रियंकाया बुडो, आं बे बाथ्राखौ मिबथिगौ, मानोना जाय सुबुंफोरा बलिउडनि मोनसेबो




सावथुनफोर नायफेराखै बा बेनि बागै मोजाडै मिबथिया बिसोरखौ निकआ आंनि मोनसे सावथुनखौ नायनो थाखाय बोसोन होयो। निकआ आंनि सावथुन 'दिल धडकने दो' खो जोबोद मोजां मोनो आरो आंनि बांसिन लोगोफोरा जायफोरा बलिउड सावथुनफोर नायफेराखैमोन, बिसोरो बे सावथुनखौ नायनानै जोबोद मोजां मोन्दों। दिवालीआ प्रियंकानि थाखाय मानो जर'खा बिथाड बेखो माबायदि फालिनो मोजां मोनो बेनि सायावबो बिथाड सावरायदों। प्रियंकाआ

बुडो, बेयो आंनि थाखाय खौसेनि आरो मिजिनि नेस्सन। लोगोसेनो बे मिजिआनो आंनि खुसिबो, मानोना बे फोर्बोआ गात्रिनि सायाव मोजांनि देहासारायनि नेस्सन। आं सानै बे फोर्बोआ आंनि गोसोखौ जोबोद गोजोनग्लाय होयो। आंनि न'आव मोनसे जोबोद समायना मन्दिर दं आरो जों जयै पुजा खालामो, जर'खायै दिवालीआव। आंनि माखासे गुबुन हादतनि लोगोफोराबो पुजायाव बाहागो लाफैफायो। आं आंनि माखासे लोगोफोरनो भारतीय ड्रेसखौ अन्थोब महयव हरो।

देंखोगिरि आरो फावखुंग्रि ऋषभ टन्डनआ जिउ गोमाबाय

सावथुन मुलुगनिफ्राय मोनसे दुखुनांथाव खोंरं सोरांआव फैदों। देंखोगिरि आरो फावखुंग्रि ऋषभ टन्डन, जायखौ फकिर मुंजोंबो मिबथिनो मोन्नाय जायो, बिथाडा जिउ गोमाबाय। बिथानि जिउ गोमानायनि जाहोनखौ दासिमबो मिबथिनो मोन्नाय जायाखै। नाथाय सुलुंआव मिबथिनो मोन्नाय बायदिब्ला बिथाड हार्ट एटेक जादों। पेपराजि पेज भिरल भयानिया इनस्टाग्रामआव बे



खोंरांखौ शेयार खालामदों। बबेखानि पस्टआव शेयार खालामनाय बायदिब्ला, ऋषभआ गावनि नख'रजों लोगो हमनो थाखाय

दिल्लीयाव थादोंमोन, बे समावनो बे जाथाया जादों। बिथानि सासे आंगो लोगोआ मिबथि होदों, हार्ट एटेक जानायनि जाहोनाव महरगिरिया

हरखाबै जिउ गोमादों। मिबथि होनाय जायोदि, ऋषभ टन्डनआ मुम्बाइनि सासे देंखोगिरि, कम्पजार आरो फावखुंग्रिमुन। बिथाड गावनि गुर्ऐ आखु आरो मिउजिकनि फारसे गोथौ मोजां मोन्नाय थानायनि थाखाय मिबथि जायोमोन। फावखुंग्रिहा भगवान शिबनि फारसे गोथौ मोजां मोन्नाय दंमोन आरो बिथानि इनस्टाग्राम बाय'आ बे बाथ्राखौ बुंथियो। ऋषभनि प्रजेक्टफोरनि बाथ्रा सावरायोब्ला, बिथाड

फकीर लिभिं लिमिटलेस आरो रश्ना दा रे अफ लाइट बायदि सावथुनफोराव बिफाव होदोंमोन। मिउजिकनि अनगायै ऋषभआ जुनातफोरनि फारसे गावनि मोजां मोन्नायनि थाखायबो मिबथि जायोमोन। बिथाडा गावनि बिसिजों लोगोसे मुम्बाइआव थायोमोन आरो न'आवनो माखासे मावजिफोर, सैमाफोर आरो दावफोर फिसियोमोन। बिथानि इस्क फकिरना मेथाइआ जोबोद हिट जादोंमोन।

